



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Constans Defensio, Ex S. Scriptvra, Et Vera Catholica
Doctrina, Atqve Observatione Vniuersalis Christianæ
Ecclesiæ Deliberationis de Christiana Reformatione**

Bucer, Martin

Genevae, 1613

De diebus festis 119

urn:nbn:de:hbz:466:1-34315

Chrysostomus Hom. 6. in 1. ad Tim. scribit, *Nouerunt fideles, quoniam diebus singulis, manè & vesperi preces fundantur ad Dominum, &c.* In Actis Concilij Agathensis, Can. 30. trium conuentuum mentio fit, nempe præcum matutinarum, Missæ ad horam tertiam, & vespertinarum. Atque viānam res cō reduci possent, ut quotidie bini vel terni sacri conuentus in ciuitatibus cogi possent, in quibus Deus in spiritu & veritate inuocaretur. Ordinatum quidem est in Concilio Agathensi, ut de Celebratione Missarum cap. allegat. ut Sacerdos procuret, quod vel ipsum, vel per Scholaisticos, Prima, Tertia, Sexta, & Nona, Vespertina quoque debitis horis publicè peragantur: annexum tamen est, iuxta possibilitatem. Veram homines isti perpetuò inane ceremonias respiciunt, quod tamen abominatio est in conspectu Dei.

Postremò quod Aduersarij rursus dicunt, Nos non posse solos aliquid in hisce Canonicis horis mutare, ad hoc sèpius iam responsum est. Totum Episcopale munus administrandum demandatum est, quare tenemur omnes ritus Ecclesiasticos ad pietatis propagationē instituere.

Tricesima Accusatio.

De diebus festis, De festo Natiuitatis & Assumptionis Mariae.

C A P . C X I X .

 A duas habet partes: Prima est de eo, quod Liber non tot dies festos ordinarit, quot apud Aduersarios vulgo sūt in usu: imprimis quod festa Natiuitatis & Assumptionis Mariæ prætermisit: festisque diebus Apostolorum pomeridiano tempore ad labores redire permittit. Contra quod Concilia & Patres obiiciunt.

Hoc loco debebant etiā indicare, quid antiqui Patres ferias appellauerint, Eas enim solas pro Christianis feriis habuerunt, quando se metipsum homo ab omnibus corporalibus & mundanis negociis, in hunc finem subducit, vt in S. cœtibus, & alias verbo Dei, Sacramentis & Orationi liberius vacare possit. Ulterius ocium nunquam docuerunt. Iam verò per superstitiones actiones in Ecclesiis diebus festis, res in Ethnicum istum abusum peruererunt, vt populus nullo tempore omnis generis immodestia, & intemperantia, Deum grauius offendat, quam diebus festis: ad quem sanè non decet ut Christianus Episcopus conniveat. Porrò quantum attinet ad ocium à corporalibus laboribus, cùm nihil de eo neque in Conciliis decretum, neque à S. Patribus præceptum sit, quæ tandem caussa fuit Aduersariis, vt nos propterea reprehenderent, quod subditis nostris permittimus, vt in quibusdam diebus festis utile quid laborent: præsertim pomeridiano tempore, quo plerumque vino & compotationibus homines indulgent, vel in alia scandala negocia se ingerunt.

Quod ad festa Natiuitatis & Assumptionis Mariæ attinet, constat